



Tu participación, es  
nuestro compromiso

## INSTITUTO ELECTORAL Y DE PARTICIPACIÓN CIUDADANA DE TABASCO

---

**TZAPTUMÄ'AJKUY WÄKÄ WYIYUNH'AJÄ YOMOKORA Y PÄTKOROYA,  
TYUMÄJÄ Y JANA TZYENHPÄYA'Ä MYUMU JIKÄ PÄT NE SUTUPÄ  
KYO'ANKIMÄ KUPKUTYAM YÄ YÄTIPÄ ANKIMKUYKOROYA MAKAPÄ  
TZYÄJKYAE.**

**WI'NAPÄ NÄYI ANHKIMKUYJAYE'ISNYE**

**MYUMUPÄ TZAPTUNH'AJKUY**

**WI'NAPÄ JAYEKO'WENE**

Tzäki, kyopujtkuy, jurä ma' tunhaje, jutzye tä konäjkyä y jurä tä yajk yosa.

**Tumä we'ne:** Tzäki. Yä tzaptumäajkuy nyä ijtu jutzye 'tyajintyukä y wäpäkäsi yajk kopurä te' anhkimkuy toto tujukupä myumupäkoroya, tesorike jana eyatzäjkyarä te' papinyoimoran y sokauneram, yajk kyetya'a te' 'ameram jutzye tyampase te' 15 makyuy'is, we'na II, 64, ko'wenupä XI, tzyamankejpamä e) te' Konstitución Polítika nyekäpä anhkimkuy Tabasco'isnye, ipsanh ko makstuja (29) amepä y te' oreweweneyajpapä mujsä jyuakyimya'ä ka' wyintam wäkä kyokijpya'ä anhkimkuy tyumkäyiram o jurapä partitoinh syutyajpa.

**Metza we'ne:** Kyopujtkuy. Nyä' ijtu ju'tzye pyäjkinzyokya'ä erampä päntam y yomoram, wäkä myumu'is myetza te' anhkimkuy, jana eyatzäjkyarä'ä, yanhketyajpasenh'omo myumu jama wäkä yajk kopujtya'ä sa'sa myumupä anhkikyu tujkyajupä nasakopajkäsi yanhketyajpapä'is te' wyiyunh'ajkyuomo te' makapä anhkimyaekoroya.



# INSTITUTO ELECTORAL Y DE PARTICIPACIÓN CIUDADANA DE TABASCO

*Tu participación, es  
nuestro compromiso*

**Tu'kay we'ne:** *Jurä ma' tunhaje.* Musjpa yajk yosya'ä te' akimkuyjaye tuyjkyajupä kupkuyisnye, wa'kokyoyisnye, tesorike te' myumupä anhkimkujaye nyäjmayajpapä Ley Genral Instucionisnye Electorales kejpapä te' tukayomopä totojaye'omo, winapä näyi anhkimkuyisnye jikä Konstitución Polítika nyekäpä anhkimkuy Tabasco'isnye, kyepase jujtzye jyakimya'ä wyintam ne' sutupä yanhkimya'äpä tyumkäyi o jurä partito'omo sutpa täjkayaä.

**Kowe'ne 4.** *Jutzye tä konäjkyä.* Wäkä tä konäjkyä yä ankimkuyjaye nyäjmayajpapä Linyamiento makapäre tä tzampäki te' jyayeomo, tujpäuse, yospase, de kyowe'na'omo 1 te Konstitución Polítika Nyekäpä Mejikano'isnyeram, 5, Makyuyomo 2 jikä myumupä anhkimkuyjaye maka anhkimya'epäkoroya; 3, myakuyomo 2, jikä Konstitución Polítika nyekäpä anhkimkuy Tabasco'isnye, te' Konstitución Polítika Nyekäpä Mejikano'isnyeram, Te' Winyunhajkuy covnecional, anhkimkuy kupkuyisnye, tumäyupä jikä Konstitución Polítika Nyekäpä Anhkimkuy Tabasco'isnye y tzunhkuyomose te' wiyunhpä ijtkuy.

**Kowe'ne 5.** *Winapä wiyunh'ijtkuy myumupä pänisnye.* Musjpa tä yajk yosa yä anhkimkuyjaye winapä Wiyuhajkuyomo muyumupä pänisne y yomo'isnye ji Kyokejya'epä, Tumoyajpamä, Winajkuyomopä y Nasakojpakäsipä.

Tesorike, maka mujsä yajk yosya'e yä anhkimkuyjaye te' winakäsipä tzame:

- a) Tumäajkuyomo: ijtu tzyunhkuy tyunkäyipäkäsi y wiyunhajkuyomo syajpapä Estado'is wäkä yajk kopurä sa'sa anhkimpapäis, te'se wäkte jana tyäjkäya nitiyäpäkäsi jurä erampä anhkimyajpa.

**Kowe'ne 5.** *Tzameram.* Yä anhkimkuyjayeomo maka tä näktyätyame jomerampä tzame:

	Tzamanhkejky myetzpapä jana nkyizaya'ä ni tzyakutzuyi'ä te' orekupkutyam y erampä, wäkä
--	---



# INSTITUTO ELECTORAL Y DE PARTICIPACIÓN CIUDADANA DE TABASCO

*Tu participación, es  
nuestro compromiso*

<b>Tzäki tzameram wiyuntampä</b>	mujsä tä anhketya'ä kopujtasenhomo te' wyinyuajkuytyam jikä kupkuyisnuyeran jene toyaijsyajupä myumupä yä ameomoram.
<b>Kyojaye'käsi</b>	Tzyampase nyekä pänis, yomo'is o kupkuyis jurä sutpa jyakimä wyit jikä tzäkijinh, pekatzamejinh, Orejinh o eyapä tiyä, jurä nyekä kyetyajpa ju'tzye ijtyajpa, te' nyäyi ji' ma kyene anhkimpapä'is o erampä'is, ji' ma kyejaya'e erampä toto, tzyamejintire wä'ajpapä.
<b>Myetzpapä'is ankimkuy tumä'ajupä</b>	Tumä'ajupä tumkuy, partitoisnye, ja kyämetzamä y sone ijtyajumä jyakimya'ä myetzpapäis anhkimkuy, tyäwäram o erampä kyä'uneram.
<b>Myetzpapä'is anhkimkuy tumkäyi</b>	Tupä yomo o päť kyärejupä'is anhkimyajpapäkäsi jikä jujtxye jyakimä wyit wäkä myetza anhkimkuy tyumkäyi, wina wä:ä kyena jujtzye pyoyanh'ä yäsepä tiyä.
<b>Tumä'ajupä</b>	Tumä'ajyapa'äjk te' partitoram y jyakimyajpa te' ne' myetzupä'is anhkimkuy tumäyupä erampä partitojinh, te'se wäkä pyojanh'äya'ä wäpäre kyetya'ä ti' ke'jayaräjpä.
<b>Ankimyajpapä mäjaräjkomo</b>	Anhkimyajpapä kyetyajpapä'is jikä päntam myetzypapä'is anhkimkuy Tabascopä.
<b>Konstitución Käsipä</b>	Anhkimkuyjaye myumupä kupkuy tumä'ayajupä mejikoisnye.
<b>Konstitución Käyipä</b>	Anhkimkuyjaye tujkupä nyepä Tabasco'isnye.
<b>Tzyäjpujtkuy</b>	Tere te' myetzajpaPais anhkimkuy tumupä kyowinajinh, makapäis kyorene y erampä kyo'uneram.
	Anhkimkuytyäjk jurä ma'yoyajpa y kyetyajpa



# INSTITUTO ELECTORAL Y DE PARTICIPACIÓN CIUDADANA DE TABASCO

*Tu participación, es  
nuestro compromiso*

<b>INEGI</b>	ankimkunasjkojame.
<b>INPI</b>	Anhkimkuytyäjk myumupä orekupkuyisnye Tabascopä.
<b>Anhkimkuytyäjk myetzyapa'ä anhkimkuy'isnyeram</b>	Anhkimkuytyäjk myayapä'is y kyetyajpapäis juztye nukyajpa supapä anhkimya'ä Tabasco'isnye.
<b>Wakokyutyäjk</b>	Mäyi tzaptziupä käsipä wakokyuyis nyäjmajpapä Poder Juricial wäkä kyowätzäkä jikä wakokyutyam kyotyajpapä myetzaypaPais anhkimkuy y yajk wyinyunh'ajä.
<b>Wiyunhajkuyomo</b>	Ankimkuyjaye kyetajapapäis te' eleksion Tabasko'isnye.
<b>Myumumu Wiyunhajkuy</b>	Myumupä anhkimkuyjaye tzunhyajpapä jurä kyetajpa te' eleksion.
<b>Anhkimkujaye</b>	Ankimkuyajye makapä'is kyene winajkuy myumupä pänis y yomo'is mujsä kyätäjkäya'ä ko'anhkimkuy y jana tza'kutzyiyarä'ä wäkä kyo'metzya'ä kowina, kyoune y erampä ankimtyoyajpapä.
<b>Tumäkyuy makamä tukpäki</b>	Myumupä tumkuy y erampä kupkuy wenpäyajumä te' eleksion tyäjk.
<b>Kyotzo'kyajpapä'is makapä anhkimya'e</b>	Myumu jikä kyotzonhajpapä'is ne' sutupä yanhkimya'ä ijtyajupäre motzyirampä, mij kumpkuyomorampä y mäjarampä kupkuyomo nyäkä jyakimyajupä'is nyäyiram tzyampase anhkimkuyjaye'is.
<b>Ne sutupä yanhkimya'ä</b>	Ypomo y pät tumyajupä ne sutupä yankimya'ä kyupkuyomoram.



# INSTITUTO ELECTORAL Y DE PARTICIPACIÓN CIUDADANA DE TABASCO

*Tu participación, es  
nuestro compromiso*

<b>Ja'pyäjkopyapä</b>	Ja'pyäkopyapä yospapä te' anhkimkutyäjkomo jurä yanketyajpa makapä anhminyae Tabaskorampä.
<b>Kämetziwirukuy</b>	Kipsokuyuy tzaptziruyajpapä nimkea käsirampä anhkimoyajpapäis wäkä kyowätzäjkyä'ä te' kijpkuy.

Myumu yikä jaye yajintyukyajupä jì' kye'epä yä kotzonhkuyomä maka kyetyaje jikä makyuy metzapä yä anhkimkujaye'isnye.

## **METZAPÄ NÄYI ANHKIMKUYJAYE'ISNYE WINAPÄ ANHKIMKUY MYUMUPÄKOROYA, TUMÄ AJKUYOMO Y JI' TZYAKUTZYIYA'Ä**

### **METZAPÄ JAYEKO'WENAN**

#### **Myumupä pät y yomokoroya**

**Ku'yak ko'wena:** Ankimkuy jaye makapä tzyame jujtzye tyunh'ajä myumupä pät y yomo. Te' pät y yomo jujtzye nyekä supa ijtya'ä tumä kipsokuyutye ijtpä te' metzapä ko'wena omo, wenupä VII, 35 kowene II; 41 kowene I, 53 y 56 konstitusionh'omopä myumupä kupkuyisnye, te'serike kyetyajketa te' anhkimkujaye'omo intupä te ko'wenanh'omo 32, makyuy 2, jaye b), wenpä'upä IX y 35, makyuy 1 te myumupä kowa'ankimkuy, jurä tzyampa myumupä pät y yomo musjpa myetza te' anhkimkuy wäpäkäsi.

**Tujturujtay ko'wena:** Tumäkene'ajkuy. Te' tumkuy makapä's tzyäjtyanya'e myumu ko'ankimkuy musjpa täjkäya'ä tyumpä yomo y tyumpä pät, *ji tyesenh'omo*, kyowina maka mawe pät, te'koroya maka kyotyä'e tumä yomo kyäräwise.



## INSTITUTO ELECTORAL Y DE PARTICIPACIÓN CIUDADANA DE TABASCO

*Tu participación, es  
nuestro compromiso*

**Makstujtay ko'wene.** *Kajwiru'upä.* Yä makapä ta'ne o tumäya'ä tumä pät, tumä yomo y te'se jujtzyenh'omo kopujtpa jikä makapä anhkimya'epäkoroya (Diputasiontam y rejituriaram), ka' ji' pyoyanh'äyi, yäki maka winaje tumä yomo.

b) Yä' anhkimkuyjaye makapäre yo'se te' ne' kyometzyajumä anhkimkuy jene ijkokätyajumä.

c) Rejituria'is myakuyomo jurä ijtu tya'neomo.

d) Metzapä näyijakyumkuy jurä ijtu metzapä diputasionkoroya.

Ko'isä

Maye'omopä makapä anhkimya'e	
Wi'napä tumkuy	(Yomo)
Metzapä tumkuy	(Pät)
Tukayomopä tumkuy	(Yomo)
Makskuyomopä tumkuy	(Pät)

**Majkay ko'wene.** *Tumä'kene'omo.* Yomokoroya y pätkoroya yä anhkimkujaye, makapäre tunh'aje jurä ijtyaju sonekäri jikjä päntam ne' sutupä yanhkimya'ä kupkuyomora (Leräjk Kupkuyomomorampä), maka myaya'e myumu y wäpäre kujkti wyenya'ä te' anhkimkuy kujkwene pät y kujkwene yomo, kyetyajukam, ka ja'irä tya'nemä teyí tumä yomore maka täjkäyanh'äyi.

1. Diputasion'ijnye'omo, maka jyakyimya'e ij'is nyä ijtanh'äyu pät, myumu maka kyetya'e ka' kujkäri y tumä käri, tes'e maka tumä yomo y tumä pät.

2. Myetzykäyipä anhkimkuy makapä nu'kyae, ji' tyanemä, te'yi tumä yomo'iste makapä nyäjtäkäyi.



Tu participación, es  
nuestro compromiso

## INSTITUTO ELECTORAL Y DE PARTICIPACIÓN CIUDADANA DE TABASCO

**Ko'wene 11.** *Kyojandene'omo.* Yä makapäre yo'se rejituriya'koroyaram; yä supapäre nämä ka' kyowina pänte yomore maka mawe te'käkyäyi y ka' yomore winaju pänte maka mawä te'kämä (winapä rijituriya), te'se jujtzye ijtanhkätu sone, myumupä kupkuyomo.

1. Ka' wenenh'omo myetzykäyi yomoramte ne' makupä myetzya'e anhkimkuy, makapäre ja'kyimyarä'i.
2. Yäjerampä anhkimkujaye makapä yajk kopujtya'e te' kyotzonhyajpa'pä'is ne' sutupä yanhkimä, tyumpä o tumäyupä erampäjinh o ka' jyakyimupä'is tyumnhkäyipä ne' syutupä ya'kimä.

### TU'KAPYÄ NÄYI ANHKIMKUYJAYE'ISNYE

#### Tumäkyuy kupkuyisnyeram y konkreso'isnye

**Ko'wene 12.** *Kupkutyam.* Te' makapä kopikyarä'i anhkimyajpapä kupkuykoroya jujtzye wenyaju y kejpa jurä kojämäpya Tabasco, teramante te' kupkuy kejyajpapä te makyuy 1, wenupä tukay jaye'omo te' anhkimkujaye'isnye Tabaskopä, te'yi kejpa: Balancán, Cárdenas, Centro, Centla, Comalcalco, Cunduacán, Emiliano Zapata, Huimanguillo, Jalapa, Jalpa de Méndez, Jonuta, Macuspana, Nacajuca, Paraíso, Tacotalpa, Teapa y Tenosique.

1. tumtumäpä kupkuy nyä ijtu leräjk, tumä sindico kyerpapä'is tumin, tumä rejitor sone'pä'is tzyi'upä anhkimkuy y metza rejituriya jujtzye pyoyanh'äpya kupkuyis.

**Ko'wene 13.** *Konkreso Tabaskokupkuyisnye.* Ijtu ikpsankotumä diputasion makapäis kyoankimya'e mä'tzyäkipä kupkuy y te'serike intu 14 diputasiontam makapä'is kyotzonh'e erampä kupkupyät wenupä metzapä japyutkuyomo näjmayajpapä plurinominal, te'se nukpa 35 makapä ko'anhkimya'e konkreso'omo.



# INSTITUTO ELECTORAL Y DE PARTICIPACIÓN CIUDADANA DE TABASCO

*Tu participación, es  
nuestro compromiso*

1. Jikä täjkeneram wenupPare jujtzye tzyampa INEGI'is/CG632/2016, ijtyajupä yä' kupkuyomoram myakyuyomo: 01 Tenosique, 02 Cárdenas, 03 Cárdenas, 04 Huimanguillo, 05 Centla, 06 Centro, 07 Centro, 08 Centro, 09 Centro, 10 Centro, 11 Tacotalpa, 12 Centro, 13 Comalcalco, 14 Cunduacán, 15 Emiliano Zapata, 16 Huimanguillo, 17 Jalpa de Méndez, 18 Macuspana, 19 Nacajuca, 20 Paraíso, 21 Centro.

## MAKSKUY NÄYI ANHKIMKUYJAYE'ISNYE

### Yak kopärä tumäjkuy pät y yomo'is yinyunhijtkuy

**Ko'wene 14.** Wäkä wyä'ajä te' tumäajkuy yomo y pät. Wi'na makapäre jyakimya'e wyintam 17 kupkuyomorpä te' ne sutupä yanhkimya'ä, jäsikam maka kyetya'a que tyanemä ijtu y ka' yajk koputyaju tzyampase te' anhkimkuyae'is tumäyupä tuka'yomo, jinh'amare makapä wye'nyae sa'sa yajk kuputyajupä wina 9 kupkutyam y jäsikam erampä tujturujtay.

Tumäyajupä makapä näyitziyarä'i **“Bloque de calificación de oportunidad de paridad”** te'e makapäre wä'ä yä tzamanhwajkuyjinh:

1. Maka wenya'e yäjtis ko metza kupkuy metzao'omo, We'nupä A, winarampä jurä ijtyaju mäjarampä kupkuy sa'sa puptyajupä: (Cárdenas, Centro, Balancán, Comalcalco, Huimanguillo, Jalpa de Méndez, Macuspana, Paraíso y Tenosique).

2. Te' we'nupä B ijtyaju te' erampä kupkutyan tzäyajpapäma: (Emiliano, Zapata, Cunduacán, Nacajuca, Jonuta, Tacotalpa, Jalapa, Teapa y Centla).

3. Myetzykäyipä wenkuyomopä maka kyetya'e sa'sa te' yomoram y päntam ka' tya'nemä ijtyaju y te' ijtyajumä tujturujtay kupkuy, maka mawä tumä yomo ne' myetzypapPa'is te' ko'anhkimkuy.





# INSTITUTO ELECTORAL Y DE PARTICIPACIÓN CIUDADANA DE TABASCO

*Tu participación, es  
nuestro compromiso*

- a) Myetzykäyipä'omo maka jakimyarä'i pät y yomo wäkä yajk tanya'ä y kyoranya'ä te' rejituriyaram.
- b) Makapäre tkyeta'e te' "we'nupä A" kye'a ijtipä mosay yomoram y majksuy päntam. Jikä eyapä'omo B maka jyakyimya'e majkskuy yomo y majkskuy pät.
- c) Kyopujtkuyomo, myetzkäyipä "A y B" makapäre kyänuki myumurampä kupkuy kyojampapä Tabasko'is (17), te'se musjpa tä kena ijtyajupä 9 yomoram y 8 päntam.

Jutzye tzyamanhwajkpä yäki:

We'nupä A		We'nupä B	
Kupkutyam	Yomo o pät maka mawe	Kupkutyam	Yomo o pät maka mawe
1. Centro		1. Emiliano Zapata	
2. Cárdenas		2. Cunduacán	
3. Balancán		3. Nacajuca	
4. Macuspana		4. Jonuta	
5. Huimanguillo		5. Tacotalpa	
6. Paraíso		6. Jalapa	
7. Tenosique		7. Teapa	
8. Jalpa de Méndez		8. Centla	
9 Comalcalco		-----	-----
Muymu, yomo y pät maka jakimyarä'i: 5 yomoram y 4 päntam		Muymu, yomo y pät maka jakimyarä'i: 4 yomoram y 4 päntam	



## INSTITUTO ELECTORAL Y DE PARTICIPACIÓN CIUDADANA DE TABASCO

*Tu participación, es  
nuestro compromiso*

Kopujtukam yä' winapä tzotzkuy te' nyäjmayajpapä “Bloque de calificación de oportunidad de paridad”, makapäre kyetya'e sa'sa, jurä yajk kopujtpasenh'omo tumtumäpä partido'is, tzamanhwajkpase te' ko'wenejaye'is ne' myutupä:

**Ko'wene 15.** *Yajintyujkuyomo nukpase pän'is y yomo'is kye'okyuy.* Yäsepä yajintyujkuy makapä ke'e jujztye kyänuku kätupä ameram oyu'ujk iri te' eyapä jama myeztyajuPa'is ko'anhkimokyuy, te're maka syaje anhkimoyajpapä'is, te'koroya te' partido'istam maka jya'kimya'e myumurampä kupkutyam, sunyi nejkyajupä tzätäpä kopujtpa mäjarampäjin, te'se jujztye kejpa oyupä kyojtya'e myakuytyam tumtumärampä'is.

1. Yä näyijakyimkuy maka we'ne kukay'omo; te' läraj'koroyaram metzapä'omo wenpäpa tumä nyä ijtupä'is tujtay kupkuy y eyapä'is maka nyä' iri mosaj kupkutyam, tumtumärampä tukayomore we'nyajupä te' kyojampapä Tabasko'is.

Te' diputado koroyaram näyijakyimkuy maka wenpä'i tukayomo, tutumäpä'is maka nyä iri ku'yay.

2. Te' winapä wenpäupä tyukapyä maka ispäjkyarä'i käyipä, kujkomopä y käsipä pän'is y yomo'is kye'yajupä.

*Leräjkoroyaram:* yäki eya'ajpa y maka ispäkyarä'i metza tumä käyipä y eyapä kujkomopä, te' tyuka'ajkuyomopä maka pyiki mosaj kupkutyam jurä sone'ajyaju te' päntam.

*Diputasionhtam:* te' winarampä metza maka pyatya'e käyirampä y kujkomorampä y te' tyukayajkuyomopä maka kyopiki jurä ijtanh'äyaju päntam.

3. Jäsikam maka nkerpärame myumupä kupokutyam y wenyajumä distritoram, wäkä sa'sa kyopurä y tumäya'ä te' yomoram y päntam, ji' ma' tysesese'aje jurä ja'rä kyoma jurä te' yomo maka tziyarä'i käyi jyakuyimutyam myeztyajpapä'is anhkimkuy y jurä ijtkokätu päntam, te'yi maka mawe tumä yomo.



## INSTITUTO ELECTORAL Y DE PARTICIPACIÓN CIUDADANA DE TABASCO

*Tu participación, es  
nuestro compromiso*

4. Te' winajupä wenhkuy jurä ja pyurä sone pä't maka kyetya'e sa'sa:
  - a) *Leräjktam*: maka we'ne metzapä'omo te' kupkutyam te'se kyowene'ajpa tu'kay kupkutyam jurä ja' jyene irä pä't y yomo.
  - b) *Diputasionhtam*: jurä ji' tyä'ne maka kyowe'nya'e motzirampä tumkuyomo jurä täjkäyajpa makskuy distritoram, te'se maka tumyae 4 y 3 distritoram, jurä maka kyetya'e ka' jinte täjkäyajupä sone yomoram te' tzätätampä tumkuyomo jujtzye wenyaju.
5. Maka tziyarä'i te' anhkimkuy myetzya'ä jikä partitoram oyupä yo'sya'e kätyajupä ame'omo y ja' tyokoya'ä nyäyi, sa'sa jujtzye tzyamanhwajkpa te' anhkimkutyoto'is, te'se maka tumyarä'i y tziyarä'i jyakimya'ä i'is maka myezte anhkimkuy y yä'ä makapäre kee jutzye päntam oyu tziya'e kupkuromoram käyipä, käsipä y käsipä te' oyupä o kätupä eleksion'omo. (**Kena erampä jaye 08**)

**Ko'wenan 16.** *Jujtzye täyajk kopurä sa'sa makapä anhkimya'e.* Makapäre kopuri yäsepä tzameanhkimkuy jikä supapä rejitor'ajya'ä y diputado'ajä jurä sone pä'nis syutyajpa o kyeyajpa. Jujtzye tzyamanhwajkpa käyi.

1. myumupä kupkukyoroya te' rejituriya makapä täjkäya'e lärajkomo (17 kupkutyam ijtipä), maka we'ne tujturuajtapyä pätkoroyaram y makstujtay yomokoroyaram.
2. Te'serike, te' diputasionkoroya (ijtipä 21 pätkoroya) maka makya'e majkay päntam y majktumä romoram.
3. Ka' ijtu ijuräpä partito'is maka kyore ne' mieztupä'is ko'anhkimkuy wäpäre kyena ti' tzyampa te' anhkimkujayeis we'nupä 56, makyuy 1, ko'wenupä XII, tä nämäse, 12 kupkutyam y 14 distritoram, makapäre tä yajk kopure sa'sa tyukä y kyojtya'ä yomo y pä't, jana kyätkokärä, jurä ijtkokä'tu, teyi yomore maka



# INSTITUTO ELECTORAL Y DE PARTICIPACIÓN CIUDADANA DE TABASCO

*Tu participación, es  
nuestro compromiso*

jakyimyaräi y jurä ji tyane, te'yi makapä mawe tumä yomo y jairä ti' nizamahkumetza.

**Ko'wenan 17.** *Jujtzye maka tukpäki te' sa'sapä yoskuy yomo y pätkoroya. Te' metzapä jakyimkuy plurinominalkoroya metza'ajupä, kyetyajpapä'is jujtzye maka wenya'e te' diputasiontam, paka kyetya'e yä tzanhpase käyi:*

1. jujtzue kejpa nejkupä te' kopujtuse yoskuy, jujtzye pyoyanh'äyaju te' kätyajupä eleksionh'omo isanhsajupä te' anhkimkutyäjki (jurä nkosa: **Anexo 8**), makapäre kentä'i juräpäis nyäpujtu sone pä't y te'koroya te'yi tumä yomore maka wi'naje. Makari pyäjinhtzyokya'e te' yomo ne' sutupä yanhkimya'ä y ji' mujsi jyakimä wit ka pänte.

**Ko'wena 18.** *Yomo o pä't ne' sutupä kyo'anhkimä myenakomo. Tujkyajpa'äjk yäserampä tzäki ne' myetzyajupä'is yanhkimya'ä wäpäre tzaptumya'ä, jana kyijpya'ä nyekä'omoram te'se wäkä mujsä tä yajk kopurä sa'sa te' anhkimkutyoto yomokorya y pätkoroya.*

## MOJSAYPÄ NÄYI ANHKIMKUYJAYE'ISNYE

**Winapä tzamanhwajkuy jana tzya'kutzyi'ya'ä y erampä tzäki wyiyujkäsi**

**Ko'wene 19.** *Tzäki tujkupä sokauneroyaram y papinyomoroyaram. Yä makapäre kopuri te' ne tzaptäjuse wina, mujsä yanhkimya'ä myumu, te' ame'is ji' musi tyajintyukä yäjerampä tzäki, tekoroaya maka yo'sya'e jujtzye yäki tzyamanhwajkpa.*

1. Yäki makapäre jyakimya'e tumä soka'une o papinyomo ne' myetzyajumä anhkimkuy, ankena tumä myumupä 17 kupkuyomoy 6 te' jikä ijtyajumä 21 distritoram, te'se wäkä tä yajk ta'nä te' unerampä pä't y yomokorya ijtyajupä'is tyanemä 21 y 29 ameram.

2. Makapäre jyakimya'e papinyomoram y sokauneram ne' syutyajupä'is anhkimkuy diputado'ajkyokoroaya jurä te'se kyepa pänis, te'yi makapäre täjkäya'e, tujtajy



Tu participación, es  
nuestro compromiso

## INSTITUTO ELECTORAL Y DE PARTICIPACIÓN CIUDADANA DE TABASCO

unerampäma juräpä'omo ijtipä 21 distritoram, te'si makapäre yajk kopujtyae yamese jujtzye tzaptäju'um wi'na.

3. *Jyakimyajumä wyintam parejopä.* Jurä myumu nyä' ijtyaju wäpä jakimkuy te' ne' myetzyajupä'is anhkimkuy läräjkoroya, rejituriya y dipútasiantam, makapäre makya'e tumä'omo, ni'yä käyi ni'iyä käsi, te'yi te partitoistam maka kyojtya'ä sokauneram o papinyomo myumu.

4. Ka' ji yajk kopujtya'e tzyampase anhkimkutyotois, ka' ijtu i'is te'seri jyakimu wyit, maka wyejaya'e wäkä sa'sa wyätzäkä jujtzye kyepase te' ko'wenupä anhkimkujyaje'is ijtipä tujturujtayomo jayeanhkimkuy yä' totojaye'omopä.

**Ko'wene 20.** *Yoskuy kyotzonkpapä'is te' kupkuy oreweneyajpapä.* Myumupä partitpo'is makapäre syaje y tzyi'i orewenepapä, tyomoria o pänti'a, te'koroya makapäre kyetya'e jujtzye tzyampa yä anhkimkujaje'is. Wäkä mujsä tyäjkäya'ä te' pänt o yomo orewenepapä, yäki musjpoa kyena:

1. *Ijtumä orekupkutyam.* Te' consejo Tabaskopä'is, jujtzye tzaptäju'um wi'na jurä myumupäis wä'ä kyetu yä anhkimkujaje, tzyamakejyaju, myumupä kupkuy Tabaskopä, nyä ijtyaju oreweneyajpapä, jio tyesenh'aje Takotalpa y Nakajuka jurä myumupänis y omo'is tzyapyapoä ore, te'serike Centla, jurä myumu pänt y yomo näpyapa oreweneyajpapä'unte Tabasko'omo, te'se tzäyajpa sunyi nejkyajupä: 1) Takotalpa, 2) Nakajuka y 3) Centla.

2. *Leräk'isnyeram.* Yä'ki wäkä sa'sa yajk kopujtya'ä te' anhkimkujaje makapäre kyojtya'e ne' sutupä kyo'anhkimya'ä te' rejitorkoroyaram jujtzye kyepa te' sonepänistam, te'se maka yomo o pänt, kejpase wina yä anhkimkujaje'omo, nyä ijtipä'is oretzame, tzyampase yä jaye'omo jurä makapäre kyetya'e sa'sa ijtumä sone orepäntam y oreyomoram, te'se ka' ji' kye'e yäki, te' ne' myetzyajupä'is anhkimkuy musjpa jyakimya'ä wyintam erampä kupkuyomora.



3. *Diputasion'omoram.* Yäserampä'omo jurä ijtyaju ne' myeztyajupä'is tyäjkäya'ä diputatoseram, jurä ijtyaju sone päntam y yomoram, te' kyoreñajpapäis maka jyakimya'e, jinande wyäpäkäsi, tumäyajupä päntam o yomoram tzyapyapapä'is ore te' kupkuyomoran Takotalpa, Nakajuka y Centla, te' ko'anhkimapä'is maka kyene ka' wiyiunsere yajk kopujtyajupä te' tzampase jayeanhkimkuyis.

Yä'se tzamhwajkopya, ka' ijtyaju kupkyu ji' yajk tanepä'is o ja' nyä irä kupkuy oretzapyajpapä tzyampase te' tumäpä jayeanhkimkuyis, ka' te'se tujkpa, ko'anhkimpapä'is maka wyätzäki jurä anhkas pyoyanh'äpya, teyipä maka ke'e jujztye maka tzyäjkya'e kejpase te Ko'wene'omo tujturujtapyä.

4. *Jyakimyajpamä te' myetzyajpapä'is anhkimkyuy.* Te' makapä kyo'ankimya'e rejituriyaram jujztye jyeyajpa sonepänis, te' partito'istam musjpa kyotyä'ä, ka' te'se syutyajpa, myumurampä oreweneneyajpapä, ji' suni nämä ka' tejih kopujtpa te' anhkimkujaye'is kyepapPa te' myakyuyomo metzapä.

5. te' ne' myetzyajupä'is anhkimkuy diputatokoroya jurä tese pyoyanh'äpya te' pänistam, teyi wäpäre kyojtya'ä o jyakimä sa'sa orekupkyomopä wyewenepypä'is ore metzanh'ijtpäse. Te'jinh, ne're yajk kopujtyajupä te' oreweneneyajpapä'is kyäpyataya'ä anhkimkuy.

6. *Ma' kyetwirupäya'e te' jakyimyajupä.* Tumtumäpä jyakimyajupä'is wyintam wäpäre yajk kopurä tyanemä tipä tootoram kyejayajpa, te' anhkimkutyäjk Elektoralisnye maka ketwetzäjkpä'i te' tyotoram sa'sapä wäpä tzäkijinh.

7. *Ji' tyajintyuki myumu tiyä oretzame'isnye.* Myumu jikä jyakimpapä'is wiyitj myeztpapä'is anhkimkuy ji' tyajintyukya'e, tekoroja te' partito'istam musjpa kyotanh'äyää erampä oreweneneyajpapä supapä anhkimä, te'se jujztye tzyampa te' anhkimkutyotois.

**Ko'wene 21.** Nye'kä keräjkäpyapä.



## INSTITUTO ELECTORAL Y DE PARTICIPACIÓN CIUDADANA DE TABASCO

*Tu participación, es  
nuestro compromiso*

1. Tyumpä. Supa nämä myumu jikä pät y yomo nyekä kye'räjkäpyapä'is wyit y jyampase nyekä oretzampapäkupkuyisnere, y musjpa tä kena jikä pät jujztye nyekä wä'ä kyetpa y jyampä wyit.

2. Kyätupä'isanh. Te' kyeräkäpyapä'is wyit juräpä orekupyinh ne sutu yirä o jurä ne' sutu tyäjkä, kyetpasenh'omo jurä o juztye kyetyajpa te' kupkuyistam oretzapyajpapä'is, yä'is makapäre yajk ke'e sa'sa ka' wyyiunhsere mujspapä täjkä te' orekupyomo ne' syutupä.

3. Myumupä partito'is makapä tzyamanke'e ka' wyyiunhsere oretzampapä te' jyakimyajupä o kyeupä'is myetza ko'anhkimkuy uka orekupyomopäre te' ne' myetxzupä'is yanhkimä.

Teserike, makapäre syajpä'i tyoto jurä sa'sa kejpa ka' jinte ne' kyomejkupä, ka' te' jyakimupä'is wyit, wiyunsere tumä oretzampapä, tä' nämäse te' kyeräjkäpyapä'is wyit jinte ka' jeneriim kupkuyomo oretzapyapä'is nyera, wenenh'omo kyomejkyajpapäre, te'koroya wäpäre kyetyä'ä anhkimyajpapäis y te'se mujsä tyäjkäya'ä wyyunse te' pätam y yomoram orekupyomorampä.

4. Te'päkoroya, myumu jikä ne' myetzapäis kyo'anhkimä tyumkäyi o ka'o ne' kyotzokyajupä'is, wäpäre yajk kokeja sa'sa ka' wiyunhsere orekupy jurä ne' pyujtu o ne' tzyunh'u y te'se mujspa jyakimya'ä wyintam orepänis y oreyomo'is, jujztye yä'ki tzyamanhwajkpa:

- Kyäyosupä'isam kyupkuy, syajupäisam tyosanh, jyama, myusokyuy y te'se oyupä'am pyäjkintzyowe anhkimkuy kyupkuyomo, jurä kupkuyis tzäptzi'u te' kowina'ajkuy, ko'wina sänh'ajkuyisnye o tipänte yosjkuy tzyäjkü wäpätzäki kyupkuyomo.



# INSTITUTO ELECTORAL Y DE PARTICIPACIÓN CIUDADANA DE TABASCO

*Tu participación, es  
nuestro compromiso*

- Opyapä kyämanäyi ore kupkuy tumpa'äjk yoskukyoroya wäkä wyä'tzäjkyä'ä te' kupkuy o tisepä kijpkuy ijtupä, teyi, erampä kupkuyinh o juränte ne' syutupä yanhkimä.
- Kyo'anhkimä tijuripä orekupkuy o tisepä tyumyajupä päntam yosyajpapä wäkä wyätzäkyä'ä kyupkutyam o yajk winäkpurä te' kyupkuy y anketipä yoskuy jurä kyokejä ka' wiyunhsere te' ne' myetzapä'is ko'anhkimkuy nyä' ijtupäre täwaäjakuy te' orekupkuyinh.
- Tipä erampä toto sonepä jurä kejpa myumu tzaptäjupä'an wi'na yäki y yajk ko'kejä sa'sa te' ne' makupä myetze anhkimkuy jikä orekupkuyinh jurä te'is maka kyotzapyä'e ka wiyunhsepäre y te' anhkimkutyäjk Elektoralisnye maka kyene sunyi.

5. Myumurampä toto musjapäre syajya'ä anhkimyajpapä'is orekupkuyomorampä o juränte ne' makupä kyo'amtoyä'e, tepä koroya musjketam tä ke'na jurä jyakimyajuum te' oreanhkimoyajpoapä<sup>1</sup>.

6. Ka' ji tyane te' totoram ne' kyeyajupä jurä kejpa ka' wiyunhsere orekupkutyampä, te' anhkimkutyäjk'is musjpa niwakoya'ä, jujztye kejpa te' ko'wene 35, makyuyomoram 1 y 2.

7. Myumu jikä pät o yomo kyätyajpapä'is te' anhkene y makapä wä'ä te' tyotoram jyakimya'ä, maka kotzapyarä'i sone pän'omo, te'serike maka kyotzapyä'e y tzyamhkeyä'e jujztye tzäyajpa te' orekupkutyam Tabasko'omo y maka tzapnawijtyarä'i anke jurä wäkä myujsya'ä myumurampä orekupkuyistam.

**Ko'wenan 22.** *Tumäajyajupä tumkutyam sa'sa kotzapyaräjupä.* Jikä tumkutyam ne' nsutupäis yajk kopujtyä'ä sa'sa te' tzäki jurä maka täjkäya'e sokauneram y papinyomoram, makapä'is kyotzowe tesepärike nimeke sa'sa kyorenpapä'is jujztye te' kyowina.

---

<sup>1</sup> Yä jakyimi jurä kejajpa te' oreanhkimyajpapä, maka puri te' 2021 ame'omo, maka tzyäki INPI'is y te' Kyonahkimapä'is Supsekretariya Asunto Indígenakoroyaram, te'is sante makapä tä kotzonhtame.





Tu participación, es  
nuestro compromiso

## INSTITUTO ELECTORAL Y DE PARTICIPACIÓN CIUDADANA DE TABASCO

**Ko'wenan 23.** *Erampä kupkuy yaksyura ketyajpapä.* Jujztye tä musjtampa te' parejopä ijtkuy y wäkä ni'is tä tza'kutzyi'ä, tensente kejpase te' jayeanhkimkuyomo näjmatyäjpapä Wyiyunhijuy myumu pänisnye, te'se jujztye kejketa pyämijinh Estado'isnye, myumu ti'omo, tumäyupä känatzukyämä, te' anhkimkutyäj Elektoral, musjpa kyeja'ya'ä jikä päntam ne' kyotzokyajupä'is o tumkäyirampä wäkä jana kyisaya'ä y yajk täjkäya'ä, jana tzyakutzyiya'ä ni'iyä ni jikä erampä orepätam y oreyomoram kyojamyapaa'ajkä erampä kupkutyam wäkä te'se sunyi tyunh'ajä sa'sapä ijtkuy.

### TUJTAY NÄYI ANHKIMKUYJAYE'ISNYE Juztye maka tzatumyae

**Ko'wenan 24.** *Tumä'ajyajupä y erampä.* Tzaptumäyuse te' ko'wenanh'omo 84, makyutyam 2 y 3, anhkimkujaye Elektoralisnye, myumupä partitoram musjpa tumya'ä jujztye nyekä jyetyajpä wä'ä wäkä kyämejkäya'ä te' anhkimkuy y te'e makapäre yajk kopujtyae sa'sa tzampase te ko'wenan 278 de Reglamento Eleksion'isnye Mejiko'omopä.

**Ko'wenan 25.** *Tirampä tuma'ajyajupä ijtu y myeztyapapäis anhkimyky tyuntiram.* Jujztye tzyampa te' ko'wena'is 88, makyutyam 2,5 y 6 te' anhkimkujaye Elektoralisnye, musjpa yosya'ä myumu, tzätätam o jujztye pýoyanh'äyajpa, tumtumä mujspa kyena jujzte maka kyätäjkäyi yä'se:

1. Tyasemä, jurä nyekä te' partitoram kyojtyajpa tyumpä pä t o yomo makapä'is kyortzämi myumupä partitoram ne' kyämajkyajupä kupkuyomoram.
2. Tzätätam, te' partitoram kyätäkäyajpa jujtye tyumä'ajya'ä pe kujkweneri syayajpä pyäntam wäkä kyonahkimya'ä kyupkuyomoram.



## INSTITUTO ELECTORAL Y DE PARTICIPACIÓN CIUDADANA DE TABASCO

*Tu participación, es  
nuestro compromiso*

3. Tä' näktyäpya tumäyajupä tijana, jurä te' partito'istam kyokotyajpa pyätam maksuy'yomo wenepäupä erampäjinh jikä nyerampä kupkuyomo ne' kyometzyajupä'is anhkimkjuy.

4. Jurä maka täjkäya'e tyasemä te' makapä nahkimi, teoyi maka kyosya'e ka' sa'sa tyanemä ijtpäyaju päntam y yomoram te' tumäpä partitois ne' kyojpä'upä'is pyät, tä' nämäse, nyä makupä'is sone poto kätupä eleksionh'omo.

5. Te' tzätätampä y tijanarampä tumkutyam tzyäjkajupä partito'istam, myumu te' tzyanemä maka kyetya'e planiya'omo jyakimyajukam wyintam tyumkäyiram, te'serike jujtzye nyekä kyetyaju jurä wyä'ajyajpa, te'se myetzykäyiram sa'sa pyujtya'ä y wyä'ajya'ä tumä te' eyapäjinh tes'e tipä partitojinhnare.

**Ko'wenan 26.** *Te' tumä'ajkyu jinte mäjanh'ajepä.* Wäkä tä yajk yosa te' ko'wenankoroya wi'napä, myakuy 5, te' ne' kyä mejkäyupä'is anhkimkuy jyakimpa wyit partitose, ji'ma myäjanh'aje wäkä yajk kopurä te' tyumkuy, wäkte tä nämäse ji'musi tyumpä nyä tunh'ajä, wäpäre pyäjkintzyoewa yomo y pänt, ka' ji tyese'aje, ji' ma' jyakimya'e.

Wäkä sa'sa tä konäntyä kena yä tzäkiram.

Yä'ki kejpase ji'nee:

Tumäjayupä pänt y yomo ne' sutupä kyo'anhkimyaj'ä		Myumupä pänt y yomo
Jyakimyajupä'is wyintam tumäyajuse		<b>9 päntam</b>
Jyakimyajupä'is wyintam tyumkäyi partito'isnye		<b>8 yomoram</b>

Yäki kejpase te'sere makapä pyäjkinhtzyokaye:



## INSTITUTO ELECTORAL Y DE PARTICIPACIÓN CIUDADANA DE TABASCO

Tu participación, es  
nuestro compromiso

Tumäjajupä pät y yomo ne' sutupä kyo'anhkimyaj'ä		Myumupä pät y yomo
Jyakimyajupä'is wyintam tumäjajuse		5 yomoram 4 päntam
Jyakimyajupä'is wyintam tyumkäyi partito'isnye		4 yomoram 4 päntam

**Ko'wene 27.** *Tumä'ajkuy jujtzye tumä te' tzintyenyajupä'is kipsokyu tumkuyomo.* Myumupä partitoram makapä tumäya'e y mietzyae te' ko'anhkimkuy nyekä'omoram o jujtzyente nyekä syutyajpa, makary kä'kenäyarä'i ka' wiyunhkäsi yajk koputyaju jayeanhkimkuy jurä kye'a te' yomo y pät ne' myetzyajupä yanhkimya'ä kupkuyomoram, tumtumäpä tzowe'omo jujtzye kejpa te' ko'wene 14 yä' jaye'omo.

**Ko'wene 28.** *Tumä'ajkuy tyojsykuyomo.* Jujtzye tzyampa te' ko'wene'is 95, myaye'omo 1 y 2, anhkimkuy Elektoralisnye, te'se tyosjkusye te' partito'isnyeram, wäkä kyetwätzäjkya'ä ka' ne' wiyunhkopujtu myumupä partito makapä'is kyokene ne'pä wyit, ka' te' ji' 'yiri, maka pyäjkintzyokyaaje jike ya'äjkpä.

**Ko'wene 29.** *Jomerampä partitoram.* Yä'serampä jomerampä partitoram ne ma' makupä joymeräjkäya'e y ja' nyä ijtya'ä ame ni jujtzye kipsokyu kätupä eleksion'omo, ji' ma mujsi tumäya'ä erampäjinh jairä'äjkä jujtzye kyetya'ä ka' nyä ijtyaju sone pät, maka kyetya'e ka' pyoyanh'äyajpa tumäya'ä erampäjinh jujtzye kejpa yä anhkimjaye'omo, jujtzye tzyamanhwajkpa eleksion'omo makamä tyäjkäyae y sa'sa yajk ketya'ä ka' maka täjkäya'e yomo y pät kejpase ko'wenanjaye 14 yä anhkimkujaye'isnye; te'serike erampä anhkimkujaye'omorampä tzame kejayapämä soka y pabiñomo orekupkyukoroyarampä, jana kisayarä'ä jana tzakutzyiyarä'ä yaksyuketyaräjpäpä tzamkeyajpase te' ko'wenajaye'omo 23.



**Ko'wena 30.** *Tyanemä y kyopujtkuy wäpä tzäkiram. Te'se te' yoskutyam kotzyapyaräjupä wäpä tzäkire myumupä soka y papiñomo koroya y te' orekupkuykoroya, makapäre kyospäya'e, wäkä yajk kopujtya'ä tyanemä sa'sa te' tumäijtkuy. Te'serike, maka kyetya'e myumupä myetzpapä'is ko'anhkimä sa'sa parejo yirä, ankena tipä'na partito'is ne' kyotzokupä'is, yäse tujketa tzamjakä jikä kotzonzh'ajyajpapä tumäyajupä o tumtirampä, myumupä partito'istam wäpäre kyetya'ä ka' sa'sa yajk kopujtyajpa yä anhkimkutzame.*

## **KUYAYPÄ NÄYI ANHKIMKUYJAYE'ISNYE**

### **Tyumpärampä myetzajpapäis anhkimkuy**

**Ko'wenan 31.** *Tyumpärampä myetzajpapäis anhkimkuy. Yä tumä wyin'yuin h ijtkutye kye'a jyakimä wyit i'is syupa myetza te' anhkimkuy tyumkäyi jana partitojinh, yäsepä kene maka kyejaya'e erampä totoram, anhkimkuy y yosanhtzame ijtyajupä te' Kostitusion Federal'omopä, Te' Kostitusion nyasomopä, myumupä ankimkuy y te' anhkimkutyäjk Elekotral'isnye.*

**Ko'wenan 32.** *Tyumpä tumäkyuy yomo y pänisnye. Tujkpase te' makapäis myetzya'e tyumkäyiram te' ko'anhkimokyuy te' lärerikoroya, makapäre y wäpäre yajk kopujtya'ä sa'sa te' kojanhtene'omo y yatneyuse tyumäkyuy'omo planiya'isnye, tesarike kyora yomo y pät, juztye tzaptäjum wi'na yä toto'omo wäkä ja'na nyä irä nitipä kijpkuy, te'serike yajk ketya'ä jurä maka täjkäyi tumä yomo y jurakanh maka tyäjkäyi tumä pät juztye kejpa te' sonepä pätjinh.*



## INSTITUTO ELECTORAL Y DE PARTICIPACIÓN CIUDADANA DE TABASCO

*Tu participación, es  
nuestro compromiso*

**Ko'wenan 33.** *Tumääjkuy yomo y pät makapä Diputatoaje. Te' makapä'is myetze ankimkuy diputatokoroya nyä' ijtipä'isanh sone pät/yomo, yä'is makapäre syuni yajk ko'purä tyumpä tzäki tumääjkuyomopä.*

**Ko'wenan 34.** *Tyumpärampä myetzyajpapäis anhkimkuy y tyosjkutyam kokejäpyapä. Te' Tyumpärampä myetzyajpapäis anhkimkuy'koroya ne' sutupä jyakimya'ä wyitam tijuräpä te' tu'kaypyä kyupkuyomoram jurä jene ijtyaju sone te' oretzapyapajpä (Takotalpa. Nakajuka, Centla), makapäre iri jujtzye kyepa te' planiya'is wä'kä kyotya'ä oreweneyajpapä y te'serike wäpäre yajk ta'nä te' planiya sokaunejinh y papinyomunejinh, yajk kopujtyapasenho'omo yajk tumäya'ä yomo y pät.*

### TUJTURUJTAPYÄ NÄYI ANHKIMKUYJAYE'ISNYE

**Ti'yä maka tu'ki ka' ji' jyakimya'e yomo y pät, uka ji' yajk kopujtya'e erampä yä'  
anhkimkujaye**

**Ko'wenan 35.** *Ji' yajk kopujtya'Päis jyakimya'ä yomo y pät. Jyakimyajukam wyintam y ka' te' Kyonanhkimyapä's yosyajpapä te' Instituo elktoral'omo pyatyapa ja' tzyakya'ä kyeyajpase kyotya' yomo y pät' ne' sutupä yanhkimyapä'is tyumti o pyartitojinh planiya'omo, ka kyotanh'äpya pät uka kyomejkyajpa y ji' sa'sa jyakimya'e te yomo, tepäkoroya maka myäyitziya'e:*

1. Ma'ka wyejaya'e jikä jyakimupä'is wyit, ma'ka tzyajmaya'ä jurä tzäjktokoyu y ji' tyanemä yomo y pät jujtzye kyepa yä' anhkimkujaye's, te'pä koroya ma'ka tzyi'ya'e tukajama wäkä wyätzäkä myumu y ka' tzyjkpa y yajk kätpa te' jama ne' tzyiyajupä, ma'ka yajk ko'koyoja'e y nnikutzamäya'e sone pän'omo.



## INSTITUTO ELECTORAL Y DE PARTICIPACIÓN CIUDADANA DE TABASCO

*Tu participación, es  
nuestro compromiso*

2. K'a ji' kyänatzäyoye y ji' wyätzyki te' pä jama tzyajmayajuse, te' anhkimyajpapä'is maka wyakwätzäki y sonepämnomo maka kyotzame, teyipä maka tzyi'hanäyi tumä jama wäkä wyätzäkä.

3. Ka' yä tumä jama'omo y ji'naam wyätzäjkya'e, ankimyajpapä'is maka jyakimya'e myumu jikä sa'sa yajk kopujtyajupä'is anhkimkuyjaye y kyotyanyajupä'is yomo y pä't y jikä ja' wyätzäkya'äpä'is, ji' ma' jakimyarä'i.

**Ko'wenan 36.** *Ji' yajk kopujtya'ä erampä tiyä.* Jikä planiyaram yajk kopujtyajupä'is kyotyajupä'is yomo y pä't y ja' jyatyäjkäya'ä soka uneram y papinyomoram y orewweneyajpapä uka ji yajk tane metza te' tu'kapyä, anhkikutyäjkis Elektoral'isnye maka myetze jujtze kyowätzäkä kejpase te' winapä ko'wenan'omo. Te' sokauneram y papiñomokoroya y oretzapyapäkoroyaram maka kyowätzäkya'e kejpase te' ko'wenajayeomo 39 y 43 yä toto'isnye, tzätä kupkuy ijtu'ajkä.

### **MAKSTUTAPYÄ NÄYI ANHKIMKUYJAYE'ISNYE**

#### **Jyakimupä'is wyit y kyotintajsäyajpa'äjk ne' sutu yanhkimya'ä**

**Ko'wena 37.** *Jyakimyajupä'is wyitam ja' tyanäpä'is plyaniya.* Jyakimyajukam wyit te' ne' sutupä yanhkimäpä'is, ko'ankimopyapä'is musjpa kyokerpä'ä ka' sa'sare tujkpä'u te' jyakimkutyam, ka' kyerpa ijtu tisepä tiyä ja' yajk tukya'epä tyanemä, maka tzyäkya'e yäsrapä tiyä:

1. Wi'na te' tyumpä patitorire maka wye'jaya'e o i'isanhte jyakimu te' ne' sutupä yanhkimä, te'is wäkä kyowätzäkä.

2. Ka' ji' kyajpäya'e jujtze tzajmayaräju te' ko'anhkimyajpapä'is, maka jakyimyarä'i teram yajk tañajupä'is ne' syutyajupä'is anhkimkuy, te'yi jurä ni'is ja' jyakimä ni'iyä, maka yajk tzunhya'e y maka tzäyi jikä planiyase ja' tyanäpä.



Tu participación, es  
nuestro compromiso

## INSTITUTO ELECTORAL Y DE PARTICIPACIÓN CIUDADANA DE TABASCO

3. Te' planiya' regituriyakoroyaram, ka' kejpä jai'rä tyanemä, te' tzäpyamä joki maka yos'e erampäkora y maka wyenhapäya'e sa'sa mujkyajupä myumupäkoroya, te'se jyakimyajpasenhomo te' yomoram y te' päntam.

**Ko'wenenan 38.** *Planiyaram ja' jyakimya'ämä yomoram y päntam.* Te' Consejo'is musjpa yajk wä'ajä te' jakimkuy planiyaram kyetyajupä ja' jyaya'äpä'is yomoram y päntam tyumi'omoram y ja' yajk tanya'äpäis sa'sa te' makyutyam 1 y2 de ko'wenanjaye 35, tekoroja makya koyswätzäkya'e ti' tzyampa te' makyuy'is 3 jikä tzaptäjupä'am anhkimkujaye.

**Ko'wenenan 39.** *Planiyaram ji' jyakimya'epäis soka'une-papinyomo y oretzappyajpapä.* Te' tyumpäna ke'ne tzäyajupä ojki jurä planiya'omo makyajpana, jurä yajk mkokejäyajpana pabiñomoram, sokauneram y oretzapyajpapä kyämetyzajupä'am te' kowenajaye'omopä 35, makyutyam 1 y 2, te' ko'anhkimpapä'is maka jyakimä te' planiya ja' tyanäpä, maka tzyamanhwake juztze maka tuki yä' erampä makyuyomo se:

1 Yä' makapäre tzyamanhke'e y yajk mustä'i te' partitoram wäkä kyena tire ne' tyujku ja' yajk kopurä'ajkä sa'sa anhkimkujaye y maka jyakimya'e jujtze ne' syayaju te' tyotoram, te' se ka' jäsikam nyä maka o pyoyanh'äyajpa te' anhkimkuy, akapäre kyajpäya'e jujtze tzamtäjpä te' ko'wenanjayeomo 43 yä nyekäpä anhkimkujaye.

**Ko'wenan 40.** *Kosinhtyasäkyuy.* Te' partitoram, tumäyajupä, tyumpä ne' myetzyajupäis anhkimkuy y wojktumyajupä, musjpaäre kosinhtyasäya'ä te' makapä anhkimi te' jama y jujtze tzyampa tä tzäkä intupä te' anhkimkujaye'omo elektoral'inye, kyoketyajpasenh'omo nyä makya'ä te' yomo y pänt. Te' kosinhtyasäkyuy makapä kopuri sa'sa wyenyajupä pänt y yomo y myumu tiyä tzaptäpase yä anhkimjaye'omo.



Tu participación, es  
nuestro compromiso

## INSTITUTO ELECTORAL Y DE PARTICIPACIÓN CIUDADANA DE TABASCO

**Ko'wenan 41.** *Kosinhtyasäkyuy y kyowätzäkya.* Kyetyajukam ka' ji' tyane y jairä yomo ni pät wäkä yajk kopurä te' paritat o tä nämäse ja' kyotyä'ä yomo ni pät tyanemä anhkimkyukoroya, jurä ji kyee nijurä, te'koroya maka kyoketya'e jujtzye tunha'ajpä yäserampä tiyä te' ko'wena 35, makyuy 1 y 2, yä' anhkimkuyjaye'isneram.

Ka' ji' tzyäkya'e u ka' te'se tzyajkyajpa ji' yajk tanya'e ne' kejayaräjupä, te' koanhkimapapä'is maka kyosintyasäyi jurä pyikpa jujtzye tä' tunpa yä' manhkimkuyjayeomo y jyakimyajpa.

### MAJKAPYÄ NÄYI ANHKIMKUYJAYE'ISNYE

**Jujtzye maka tuki jurä ji tyane te' planiya läräkoroya y te' konkresokoroya  
Tabaskokupkuyisnye.**

**Ko'wena 42.** *Tzi'okyuy jurä ji tyane planiya.* Ka' pyoyanh'äyajpa anhkimkuy ijuräpä'is ja' yajk tyanäpä te' planiya, maka syaje nyekä ankimyajpapä'is te' rejituriya wäkä tyanpä'ä sa'sa, te'päkoroya maka tzyäjkyä'e yäserampä tiyä:

1. Yä' anhkimkutyäkis elektoralisnye maka kyene jurärampä ja' tya'nä o tzä'yu jana komi te' rejituriya y maka myajkimi juräpä tzäyu tome y te'se wäkä jana tyatzkene'aje nijuntzye makapä anhkimya'e.
2. Maka ketwetzäkya'e ka' sa'sa kujti kyotyaju yomo y pät y jurä ja' tyanä maka kyojtya'e juräpänte pyikpa, te' rejituriya maka tzyiya'e jikä partito nyä ijtupä'is sone pät y ka' sa'sa kejpa nyä ijtupäre tu'kaypä wenupä myumu te' yosanh.

**Ko'wenan 43.** *Tzi'okuy jikä planiyakoroya ja tyanäpä soka-panyomourekorya y oretzapyajpapä.* Kyosayajukam te' makyuy ijtupä ko'wenanjaye'omo 41, myakuykäsi 1, pyatyajpa jyakimyajupä te' kupkuymoram Takotalpa, Nakajuka y Centla

1. Jurä ja' yajk tanya'ä oretzapyapapäjinh, jurä ijtuna jurä tä jakyimä tzyapupä te' anhkimkuytäykis Elektoralisnye, jurä nimekere wäpä tä päjkintzyowa orekupkuy





# INSTITUTO ELECTORAL Y DE PARTICIPACIÓN CIUDADANA DE TABASCO

*Tu participación, es  
nuestro compromiso*

- yäserampä anhkimkuyomo, te'yipä maka winaje i'is nyä ijtu pät myajkupäis te' tukay myumupä pätpä syutupäis te' anhkimpapä, teyi makapäre Ki'mi tumä yomo o pät sa'sa oretzampäpä te' makapäjinh anhkimya'e lärajkomo.
2. Ka' tumä partito'is nya ijtu wiyunhajkukyäsi, ka ja' nyä irä oretzapyapapä ne' sutupä yanhkimä, maka kyetya'e i'juräpä'is tzyäjkthanpa y nyä ijtrupä'is sone pät ne' syutyajupä'is y te're maka tzäyi.
  3. Jurä kejpa anhkimkuy soka y papinyomokora ji' tyane, maka wyätzäjkyaee jujtzye kejpa te' makyuyomoram 1 y 2 yä' 43 ko'wenan'omopä, tzamanhwajkupä yäki jairä kupkutyam jurä kyeyajpa yäserampä ko'anhkimkuy.
  4. Ka' ijtu jurä ji' tyane, teyi maka kopuri jujtzye tzäjtäju wi'na tajspasenh'omo myumu te' makapä anhkimya'e.
  5. Jikä jojki'ajumä y ne' syutu yajk tanya'ä te' planiya, makapä kyetyae juräpä ne' syutu kyoma wäkä te'se kyotya'ä tumä yomo o pät.

## **MAJKATUMÄ NÄYI ANHKIMKUYJAYE'ISNYE**

### **Ko'pinhkuy pakurujpapä jäsikam**

**Ko'wena 44.** *Tirampä ko'pinkuy ijtu.*

1. Jyama'omo. Yä' anhkimkuyjaye sa'sare täjkäpyapä te' jyama'omo tujkpapä te' eleksiontam.
2. Pakurujkpapä jäsikam. Yä'sepä kopinkuy ne' sutyupä yanhkimya'äpäkoroya tzyaptumyaju yäki INE/CG927/2015, te're kejpapä te' anhkimkuyjaye'omo Mejiko'pä eleksiontam y yä'sere makapä koruki:



## INSTITUTO ELECTORAL Y DE PARTICIPACIÓN CIUDADANA DE TABASCO

*Tu participación, es  
nuestro compromiso*

a) Ka' tumäpä partito'is kyojpa tyumpä ne' mietzupä'is anhkimkuy, yä'is wäpäre kyora tyanemä , kujkti pät y kujti yomo, ka' te'se wyä'ajyajpa, musjpa täjkäya'ä te' oyajupänh y tyokoyaju Jyama'omo oyupä te' eleksiontam.

b) Ka' ijtuna jakyimupä tumyajupä sone partitoram o tumä ne sutupä yanhkimä tumupä erampäjinh te' Jyama'omo oyupä te' eleksiontam, myumupä partito'is wäpäre te'seri yajk poya tyanemä kujti pät y kujkti yomo jujtzye oyu kyäjmejkäya'e kätupä Jyama'omo te' eleksiontam.

C) Ka' ijtu wenepä partito oyupä tyäjkäyi tyumti kätupä te Jyama'omo oyupä eleksiontam, y yäti ne' sutu tyumä erampäjinh o myakya'ä tzaptumä'ajyajupä yä jomepä pakurujkupä eleksion, wäpäre tzyäkya'ä yäki tzaptäjpapä:

C.i) Ka' te' partitoram maka myetzyae anhkimkuy tyumpä yomo o pät maka makya'e kätupä te' Jyama'omo oyupä eleksiontam, wäpäre yajk ta'nya'ä jyakimkuyomo kujti yomo y kujti pät y ka' tzäpya tumä, yomore maka Kimi te'yi.

d) Ka' oyupä tumäyi erampä partitojinh te quetupä Jyama'omo eleksion'isnye y yäti ne sutu myawä tyumkäyi yä' Ko'pinhkuy pakurujpapä jäsikam, wäpäre kyetya'ä yäki tzamanhwakopyapä jaye:

d.i) Ka ne'na kyämäjkäyupäis yomoistenyena oyupä tumäyi erampä partitojinh, te'serike maka makya'e, kujti yomo y kujti pät te' jomepä kopinhkuy ne' pyakurujkupä'omo.

d. ii) Ka ne'na kyämäjkäyupäis Panistenyena oyupä tumäyi erampä partitojinh, yäti musjpa täjkä tumä yomo y te'se nyä mawe kujti yomo y kujti pät te' jomepä kopinhkuy ne' pyakurujkupä'omo.



8. Yäserampä anhkimkuy jaye makapäre orekojtya'e te' tumyajpamä, erampä ne' myetzyajupäis koanhkimkuy lärajcomo rejitorseram y te' diputadorkoroyaram nyepä nyäyikäsipä jyakimupä te' mkupkuyomo jurä pyikpa, makapäre tzyampiri INPI<sup>2</sup> ne' pyare'ajupä te' sumbsevretaria Wäpä ijtkuyisnye Orekupkuykoroya, te'is maka kyoisanhtziya'e.

### KO'WENANJAYE KÄTYAJPAPÄRAM

**Winapä:** Myumu yä anhkimkuyjaye maka mujsi yosa kyetukam te' Konsejo'is Tabasko'päis.

**Metza'ajkuyomo:** Wenenh'omo mujspa te' konstitutionh'is o jyomekyajpapäis anhkimkujaye o te' nyekä anhkimkuyjaye eleksionh INE'isnye, kyotya'ä nyerampä myujsokyu jurä maka nimeke wä'ä jikä jujztye mujsä tyäjkäya'ä kujti yomo y kujti pät ne' sutupä yanhkimya'äpä, jurä jana tzakuztiyarä'ä y jana eyatzäjkayarä'ä. Myumu tumä'ijtkuyomo, myumu yä tzame maka i'ri yä' anhkimkuyjayekäsi.

**Tu'kaypyä:** Yäkirampä anhkimkujaye musjpa kyakpäya'ä, wyätzäkya'ä o kyäkojtanh'äya'ä te' Konsejo Tabasko'pä'is, wäkä nyä tumäkena te' Contitusion yäkipä kupkuyisnye, te' ne' kyämetzyajupäis yanhkimya'ä, o te'serike tzaptumyajupäse myumupä'omo te' INEjinh, myumu pa'tyaräjkpa yä tzame yäki tujkyajupä; yä'ä, te' Komisionh'is kyä'omo maka nyä yosya'e y tzyäjkya'e wäkä erampä'is tyunya'ä Konsejo Tabaskopä, jujztye mujsä wyätzäkanh'äyää.

**Makskuyomo:** erampä totojaye kä'kotyajupä yä'tyutzomo anhkimkuja'eomo nyepärire'ke kyojamapa.

---

<sup>2</sup> Maka nyäpuri tzotzpa'äjk te' ame 2021.